

**YOSHLARNI BARKAMOLLIK VA SHUKRONALIK RUHIDA
ARBIYALASHNING MUHIM OMILLARI.**

Kendjayeva Zumrat Astanovna

Buxoro muhandislik-texnologiya instituti tadqiqotchisi

Annotatsiya

Yoshlar bu jamiyatdagi ijtimoiy-demografik guruh hisoblanib, inson umrining ma'lum bosqichida yashayotgan, etuklikning qaror topishi, kattalar olamiga kirish va unga moslashish kabi o'ziga xos xususiyatlar bilan tavsiflanadigan tushunchadir. Yoshlik chegarasi beqaror va aniq ajratilishi qiyin, lekin soha mutaxassislari ko'pincha uni 15-30 yillar orasi deb hisoblaydilar.

**IMPORTANT FACTORS OF EDUCATING YOUTH IN THE SPIRIT OF
PERFECTION AND GRATITUDE.**

Kendjayeva Zumrat Astanovna –

Researcher of the Bukhara Institute of Engineering and Technology

Abstract

Youth is a socio-demographic group in society, living at a certain stage of a person's life, defining maturity, entering the world of adults and adapting to it. The age limit is unstable and difficult to define, but experts in the field often consider it to be between 15 and 30 years old.

Yoshlar ayrim umumiy xususiyatlar bilan xarakterlanadi: ular, odatda zamonaviy va bilimli; yangi kasblar va yangicha turmush tarziga intiluvchan; ijtimoiy jihatdan harakatchan qatlam. Yoshlarda qadriyatlarini qayta baholash, kattalarga nisbatan o'zgacharoq, ya'ni ularda ehtiyojlar va ideallar, axloqiy me'yorlarni faol o'zlashadi. Mazkur ijtimoiy guruhga shu toifa ichidagi muloqotga mo'ljal qilish xosdir. Bugungi kunda yoshlar o'rtasida ta'lim turini tanlash va uni egallash, mehnat jarayoniga kirish, oilani shakllantirish, kasbiy jihatdan o'sish va xizmat bo'yicha ilgariylash kabilar asosiy muammolar bo'lib hisoblanadi. Keyingi yillarda bozor iqtisodiyotiga o'tish jarayonida ularning kasb tanlash, mehnatiga haq to'lash, ish bilan ta'minlash bo'yicha qator dolzarb vazifalar yuzaga chiqdi. O'zbekistonda bu borada jismonan sog'lom, ma'nan barkamol yoshlarni tarbiyalash uchun ham 1991 yildayoq Yoshlarga oid davlat siyosatining zamonaviy talablarini o'zida aks ettirgan qonun qabul qilindi [1].

Insonga juda ko'plab beg'ubor go'zal xislat va fazilatlar berilgan. Ana shu ne'matlarning eng ulug'i – bu shukronalik tuyg'usi. Ne'mat - bu albatta moddiy boyliklarning o'zidagina iborat emas, hayot ne'mati, jismdagi ichki va tashqi a'zolarning bir maromda ishlashi, ya'ni ko'zning ko'rishi, qulog'ning eshitishi, tilning ta'm bilishi, yurakning urib turishi, bularning barchasi albatta bebaho ne'mat bo'lib, bizlarni shukr qilishga undaydi. Shukronalik, tinchlik, hotirjamlik bir maromdagi maqbul hayot tarzi hamdir. Shuningdek shukronalik barqaror taraqqiyot poydevori hamdir. Shukronalik milliy ma'naviyatimizning uzviy jihatidir. Shukronalik tinchlik

va barqarorlik mahsuli hisoblanadi. Shukronalik tarbiyasi ikki yo‘nalishda amalga oshirib kelingan. Bu yo‘nalishlardan birinchisi-davlat siyosatiga fuqarolar tomonidan namoyon etiluvchi e’tirof, turmushdan rozilikni ifoda etuvchi ijtimoiy munosabatlar tushunilsa, ikkinchisi odamlarning diniy e’tiqodini va ilohiy qudratga aqlan va qalban anglab sig‘iniluvchi munosabat sifatida yuzaga chiqadi. Tarbiya orqali shukronalikni inson xarakterining belgisiga, fazilatiga aylantiruvchi harakat barcha davrlarning dolzarb masalasi bo‘lib kelgan. Aholi turli qatlamlari orasida xususan yoshlar o‘rtasida bugungi kungi hayotdan rozilik, shukronalikni tarbiyalash dolzarb ijtimoiy vazifalardandir. Milliy ma‘naviyatimizda shukronalik keltirish insonning tarbiyalanganlik darajasini ham namoyon etib kelgan. Odamlarga yaxshilik qilish, mehr ulashish shukronalik xususiyatining tarkibiy jihatlaridandir. Zero shukronalik – bu tobelik emas, bu istak mayllarni jilovlashdir. U ruhiy iroda, sabr-qanoat, oqibat va saboq, salohiyat, yuksak madaniyat ifodasidir. Shukronalik insonning fikr-mulohazasi va hayotiy falsafasi, o‘zini bag‘ishlash qudrati. Shukronalik ayni vaqtda e’tiqod, mas’uliyat, barqarorlik omili. Shukronalik tuyg‘usi bilan yashagan inson tafakkurida vazminlik, qiyosiy tahlil, mushohada, taftish, xulosa kabi fazilatlar shakllanadi.

Umrдан mamnunlik yondashuvini tarkib toptirish va mustahkamlashda tadrijiylik, bosqichma-bosqichlik, bosiq intilish, oqilona me‘yor, muvozanatga rioya qilish muhim rol o‘ynaydi. Zero xalqimizda «Narvonga ham asta chiqiladi», degan gap bor. Hech qachon unutmashimiz kerak, bu dunyoda hamma narsa asta-sekin, o‘z yo‘li bilan bo‘ladi. Shuning uchun ham davlat siyosatiga yoshlar tomonidan beriluvchi e’tirof, turmushdan rozilikni ifoda etuvchi ijtimoiy munosabatlarida shukronalikning yuksalishi, barqarorlashuvida mamlakatimizda, islohotlarimizning tub mohiyati inson manfaatlariga qaratilganligini, eng muhimi ularni izchil, bosqichma-bosqich davom etayotganligini to‘g‘ri tushuntirish maqsadga muvofiqdir [2].

Xulosa shuki, bugun yoshlarda shukronalik kayfiyatini mustahkamlashda va albatta o‘z navbatida shukronalik yoshlarda o‘z-o‘zidan qoniqish hissi bo‘lmashligi uchun muhtaram Birinchi Prezidentimizning «Ertaga kim bo‘lishimiz, qanday yangi marralarni egallashimiz kerak?» degan savoli ustida o‘ylash, amaliy ishlarni bajarish zarur. Zero Birinchi Prezidentimiz I.Karimov yoshlarga qarata: «Agarki qachon biz xohlagan zamon kelsa, ana o‘shanda murodimizga etamiz, degan fikr bilan bemalol yuradigan bo‘lsak, bilib qo‘yinglar, bunday zamon hech qachon o‘z-o‘zidan kelmaydi. O‘zimiz istagan zamon uchun kurashish, kerak bo‘lsa, o‘zimizni, butun borlig‘imizni berishimiz lozim. Shunday intilish bilan yashasak, nafaqat o‘z hayotimiz, balki kelajak avlodlarimiz hayotini, ularning ertangi yorug‘ kunini o‘zimiz, o‘z qo‘limiz bilan barpo etgan bo‘lamiz.» degan so‘zlarining tub mazmun-mohiyatini to‘g‘ri anglab etish zarur [3].

Zero shukronalikning bosh manbai - bu Vatan mustaqilligi bo‘lib, uning eng oliy ne‘mat va ulkan imkoniyatlar manbai ekanligini yoshlarga tushuntirish, ularning butun hatti-harakatlarini Vatan mustaqqiligini har tomonlama mustahkamlashga, xalqimizning tinch-osoyishta hayoti, sarhadlarimiz daxlsizligiga tahdid solishi mumkin bo‘lgan har qanday havf-xatardan ogoh bo‘lib yashashga, dunyoga ochiq ko‘z bilan qarab, oqni qoradan, yaxshini yomondan ajrata olishga o‘rgatish, shunday oliyanob, bag‘rikeng xalqimizga, Vatanimizga farzandlik mehri, sadoqati bilan xizmat qilish eng oliy burch ekanligini tushuntirish bugun yoshlar tarbiyasi bilan

shug‘ullanayotgan har bir insonning vijdon ishiga aylanishi zarur.

Foydalanilgan adabiyot ruyxati:

1. Tohir Malik. Tanlangan asarlar. Odamiylik mulki. 3-kitob. Toshkent. “Sharq” NMAK. 2010. 690 b.
2. Shayx Muhammad Sodiq Muhammad Yusuf. «Qur’oni Karim va o‘zbek tilidagi ma’nolar tarjimasi». «Hilol-Nashr» nashriyot-matbaasi. 2022 yil (2013, 2017, 2019, 2021).
3. Karimov I.A. Ona yurtimiz baxti iqboli va buyuk kelajagi yo‘lida xizmat qilish eng oliy saodatdir. Toshkent, O‘zbekiston, 2015, 268 bet.